



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Ioannis Ioviani Pontani amorum libri II.**

**Pontano, Giovanni Gioviano**

**Venetiis, 1518**

Tumulus Partheniæ uirginis, & faculæ veneris in eo ardentis.

**urn:nbn:de:hbz:466:1-13534**

Hanc alui in tenebris. nutrix nox. *Hubera* suxit  
 Noctis, & infanti lac fuit ipse sopor.  
 Nec fatetur, uerum somno testata perenni  
 Quam nasci, satius uos docet esse mori.  
 Hanc nulla torquent curae, non matris in ore est,  
 Non lana in digitis comminuenda datur.  
 Continuas ducit noctes. lux nulla, nec ulli  
 Sunt uitae sensus. munera nulla premunt.  
 Dumq; haec ipsa loquor, secura infantula dormit.  
 Illam perpetuo somnus ab hymbre rigat.  
 Nomen erat quod fecit herus Massila. *Camoenae*  
 Ornarunt domini pro pietate locum.  
 Hic dormit Massila. sopor lac, *Hubera* praebet  
 Nox ipsa, at cunas & tenebrae & loculi.

ROSAE PVELLAE ante diem mortuae.

Non nomen tibi, quin omen fecere parentes,  
 Dixerunt cum te bella puella Rosam.  
 Vtq; rosa breuius nil est, aequaeue caducum,  
 Sic cito, sic breuiter & tua forma perit.  
 Implesti denos uix nam formosus decembres. *a*  
 Vere Rosa Heu nata es, mense decembre cadis.  
 Non aestus, sed te rapuerunt frigora brumae,  
 Non aestas, sed te frigida soluit hyems.  
 Ergo non hyem flores, non rapta per hymbrem  
 Frondescis, tumulo sed male Rosa rosa es.

PARTHENIAE VIRGINIS ET

facula Veneris in eo ardentis. Via-  
 tor & Genius colloquuntur.

TUMULORVM

Quis rogo quis titulus? fax num tabescit in urna?

Fax cui a est? Veneris. Vmula? Parthenies.

Parthenie faculam Veneri dum surripit, urnæ

Abdit, & hanc inquit ignibus ure tuis.

Tabuit ipsa suis fax ignibus intus abesa.

Hinc tumulus titulum uirginitatis habet.

Parthenie iacet hic. Veneris fax hic quoq; tabet.

Parthenie tituli ius habet & tumuli.

ROSCIAE puellæ ipsa è tumulo loquitur.

Ros mihi dat titulum, nomenq; est Roscia nostrum.

Ros breuis est, breuis heu, sic mihi uita fuit.

Rore madet tumulus, stillant & marmora rorem.

Roscia sum, me ros, roscida & unda rigat.

Sed nec apes tumulo, uerum insedere cicadae,

Stridulaq; ad cineres hei mihi turba crepat.

Bruma mihi requies, æstas est poena sepultæ.

Bruma quies, æstas est mihi supplicium.

STELLAE FERRARIENSIS.

Potamus ipse loquitur.

Sit uati fas Picrides, quæ lucida fulget

Stella polo, hanc proprio condere sub tumulo.

Stella tibi tumulus coelum est. hæc te tegit urna.

Teq; per & tumulus, te per & urna nitet.

Stella nites urna, radios tibi & urna ministrat,

Præbet & hos tumulus, & tumulo ipsa nites.

At nec stella iacet tumulo, sed splendet in urna,

Splendet & in tumulo, Nam polus est tumulus.